

Aste honetan, Aurrez Aurre deituko diogun elkarrizketa pertsonalizatu honetako hirugarren protagonistarekin jarraituko dugu. Elkarrizketa honen bitartez, gure jokarariak gehiago ezagutu ahal izango dituzue eta saskibaloia batean nolakoak diren jakiteaz gain, hortik kanpo ere zer nolako gustuak dituzten jakin ahal izango duzue.

Aste honetako protagonista ANDER GARCIA izango da. Hona hemen, eskolta Bergararrarekin mantendu dugun aurrez aurrekoa:



FITXA PERTSONALA:

Izena: Ander

Abizenak: Garcia Urbina

Jaioitze data: 1989ko apirilaren 5ean

Jaioterria: Bergara

Dorsala: 6

Postua: Eskolta

Altura: 1,93 m

Pisua: 93 kg

1.- Noiz eta non hasi zinen saskibaloian jokatzeko? Ze orotzapen dituzu?

Gogoan daukat oso ume nintzenetik hasi nintzela Ikastolan saskibaloian jolasten, 10 urte inguru nituen gutxi gora-behera. Jolas-ordu guztiak aprobetxatzen nituen saskibaloian jolasteko, eta txirrina jo bitartean hor aritzen nintzen saskira bota eta bota. Aitortu beharra daukat gainera, askotan 5 bat minuto gehiago gelditzen nintzela jaurtiketak botatzen eta askotan berandu bueltatzen nintzen klasera. Horrek bronka bat edo beste jasotzea ere ekarri zidan.

2.- Zein izan da saskibaloian ikusi duzun jokalaririk onena? eta zure idoloa?

Nik sekula ikusi dudana jokalaririk aipagarriena, Bartzelonan jokatzeko duen Juan Carlos "la Bomba" Navarro izan da. Talentu ikaragarria daukan jokalaria da eta zorionez, Baskonian jokatu nuenean bere aurka jokatu genuela esan dezaket. Eta idoloari dagokionean, ez naiz oso originala izango, nire idoloa Michael Jordan haundia izan baita. Oso zaila izango da horrelako jokalaria bat berriz ere ikustea.

2+1.- Jokalari maniatikoa al zara? Ohitura bereziren bat ba al daukazu partida egunetan?

Ez, egia esan ez nahiz jokalaria maniatikoa. Hori bai, partidu guztiak jokatu aurretik ohitura bat daukat. Musika entzutea eta beroketan ere musika egotea oso gustoko dut. Partiduan kontzentratzeko oso elementu garrantzitsua da niretzat.

3.- Ze musika entzuten duzu partida baten atarian?

Lehen esan dudana moduan musika entzutea oso gustoko dut partiduan kontzentratzen laguntzen didalako. Orokorrean, erritmo biziak dituzten kantak ditut gustoko, gorputzeko odola

pizten lagunzten didalako eta horien artean kantzara salto egin aurretik partidu guztietan entzuten dudan azken kantua Evanescense taldearen Lithium kanta da.

4.- Saskibaloian bizi izan duzun momenturik onena? Eta txarrena?

Nire ibilbidean zehar momentu on asko bizi izan ditut. Baina bat aipatu beharra badago dudarik gabe 07/08 denboraldian TAU Ceramica Baskoniarekin ACB liga irabazi genueneko momentua aipatuko nuke. Ikaragarria izan zen. 19 urte besterik ez nituen, eta ametsik hoberenetan ere ez nuen horrelako gauzarik gertatuko zitzaidanik amestuko. 10.000 pertsonen aurrean ospakizuna, Andra Mari Zuriaren plazako harrera...oiloipurdia jartzen zait oraindik ere gogoratzen dudanean!!

Eta momenturik txarrenak, lesioak eta bereziki 2008. urtean Gasteizen Errege Kopa galdu izana izan dira. Dena alde geneukan, etxean jokatzen genuen, faboritoak ginen, egundoko taldea genuen...baina kirola badakizue nolakoa izaten den eta egun horretan DKV Juventud taldean Rudy Fernandez izeneko izar bat agertu zitzaigun eta "berak bakarrik" irabazi zigun finala!! Arantza handia daukat sartuta!!

5.- Zer eskatuko diozu urte berriari?

Orain arte eraman dugun ibilbidea errepikatzea, hau da, garaipen asko lortzea eta bereziki etxeko partidetan gure zaletuei ikuskizun politikak eskaintzea. Ah! eta beste gauza garrantzitsu bat ere eskatu nahi dut gure taldekide eta zaletu guztientzat; OSASUNA.